

**ZAPISNIK SA 46. SJEDNICE UO SAMOSTALNOG SINDIKATA RADNIKA U BHRT-u,
KOJA JE ODRŽANA U UTORAK 25.09.2018. GODINE**

Prisutni: D.Smital; S.Topalić; G.Brkić; M.Grbo; N. Žuga M.Herac; D.Miljević; E. Fočo;
M. Baručija; N. Arnautović; O.Bukić; E.Agić; E. Čengiđ od 12.55.sati

Odsutni: Dž. Kahrica; M. K. Pašalić; B.Hamzagić; N.Hodžić – **opravđano**

Dnevni red:

1. Zapisnik sa 45. sjednice
2. Aktuelna situacija u BHRT-u
 - Sastanci sa menadžmentom
 - Akti BHRT-a
 - Dopis Vanja Ban
 - HTZ oprema
3. Finansije (D. Karšić)
4. Sindikalni izlet (Dž. Kahrica, E. Čengiđ)
5. Ugovori
 - Adriatic
 - Reumal
6. Dodjela pomoći (G. Brkić, M. Grbo, N.Žuga)
7. Razno

AD 1. D.Smital je u 12.34 sati na osnovu člana 35. Statuta Samostalnog sindikata radnika u BHRT-u, otvorio 46. sjednicu UO SSR u BHRT-u i predložio dnevni red koji je jednoglasno usvojen. Zapisnik sa 45. redovne sjednice je usvojen sa 11 glasova ZA i 1 SUZDRŽAN.

AD 2. D.Smital je upoznao UO da je rukovodstvo sindikata imalo ukupno tri kratka sastanka sa menadžmentom do današnje sjednice.

U srijedu, 19.09.2018. je održan sastanak sa generalnim direktorom, a nakon toga i sa pomoćnicom za razvoj u vezi Pravilnika o disciplinskoj odgovornosti i Opštim pravilima rada i ponašanja radnika BHRT-a, dok je treći sastanak održan neposredno prije sjednice UO sindikata u vezi HTZ opreme.

Rukovodstvo sindikata je od menadžmenta dobilo slijedeće informacije:

Sistematizacija bi morala biti završena do kraja februara iduće godine.

Što se tiče doprinosa do kraja ovog mjeseca će se uplatiti zdravstveno osiguranje za 10. mjesec 2017. za radnike iz Kantona Sarajevo, a za ostale radnike je uplaćeno zaključno sa 07. 2018.

Dug prema radnicima za penziona se djelimično izmiruje.

Tokom ove sedmice bi se trebao menadžment oba servisa sastati sa menadžmetom EP BiH u vezi produženja ugovora o naplati takse.

Tema sastanka sa generalnim direktorom BHRT-a je bila i sigurnost na terenu i HTZ oprema.

Rukovodstvo sindikata je tražilo da se označe kombi vozila koja se iznajmljuju, da se napravi procedura povlačenja ekipe sa terena u skladu sa aktima BHRT-a u slučaju napada na naše radnike, kao i da se uputi dopis N/FS BiH u vezi sigurnosti radnika na terenu i BH Telkomu kao glavnom sponzoru Premijer lige. Generalni direktor je podržao ove zahtjeve sindikata i dodao da bi u narednih 4-5 mjeseci, zavisno od tenderske procedure, trebali dobiti 5 novih kombija za terene. Kada je u pitanju HTZ oprema dogovoreno je da se prije sjednice UO sindikata, održi sastanak kod Dž. Jusufbegović, a da ispred sindikata sastanku prisustvuju E. Čengiđ i G. Brkić

Dobili smo također informaciju da je iz Švicarske, zaslugom SSR u BHRT-u, stigla BHRT-u donacija u opremi. Sindikat je od te donacije dobio od BHRT-a, jedan laptop na korištenje.

Nakon sastanka sa generalnim direktorom, održan je sastanak sa pomoćnicom za razvoj u vezi odluke i pravilnika, a koji nisu dostavljeni sindikatu, već su postavljeni na oglasne ploče u RTV Domu. Usmeno su stavljene primjedbe na određene članove akata i rečeno je da će SSR u BHRT-u dostaviti svoje primjedbe u pisanoj formi nakon sjednice UO sindikata.

Rukovodstvo sindikata je napravilo primjedbe koje je D. Smital prezentovao na sjednici UO, a koje bi sindikat poslao menadžmentu i UO BHRT-a i naglasio da je za ovu odluku potrebno 12 glasova članova UO Sindikata. Nakon kraće rasprave, UO je sa 12 glasova ZA usvojio odluku sindikata.

V.Ban je uputio dopis sindikatu u vezi problema koji je imao na recepciji RTV Doma. D.Smital je zamolio sve da pročitaju materijal koji je dostavljen u kojem je V.Ban naveo da je fizički napadnut u vezi načina odjevanja za koje je i sam Ban naveo da je prekršio pravilnik. E.Agić je istakao da služba sigurnosti ima velikih problema u vezi kodeksa o oblačenju i istakao fleksibilnost svih radnika te službe kada je pomenuti kodeks u pitanju. Međutim, tog dana kako su mu prenijele kolege iz druge smjene, prema riječima E.Agića, V.Ban se jako lose ponašao i psovao na samoj recepciji. U kratkim hlačama je dozvoljeno ući samo u snek a ne u tehnološke prostore u RTV Domu istakao je E.Agić.

G.Brkić je istakao da nije imao nikada problem prilikom odlaska na teren a dešavalo se bezbroj puta da je zbog vremena bio u kratkim hlačama i da ga je kako je istakao ovaj događaj jako iznenadio, ako je tačno sve ovo što je dostavljeno sindikatu. S.Topalić je istakla da je sporno nedolično ponašanje ako ga je bilo i sporan je bilo kakav oblik fizičkog napada. D. Smital se složio i iznio da mu je ono što je isneseno u dopisu i raspravi, nespojivo sa akterima događaja te predložio zaključak da se uputi dopis generalnom direktoru da se ispituju sve činjenice u vezi ovog događaja, kao i da se našem članu V. Banu pruži potrebna pravna pomoć u slučaju pokretanja disciplinskog postupka protiv njega. Zaključak je usvojen jednoglasno.

E.Čengić je sa G.Brkićem neposredno prije sjednice UO, održao sastanak sa pomoćnicom za razvoj Dženitom Jusufbegović u vezi HTZ opreme. Dostavljeni su spiskovi iz svih sektora za HTZ opremu. Kako je istaknuto na sastanku prioritet su ljudi na terenu i na relejnim stanicama. Uz dodatne konsultacije koje će menadžment uraditi u narednom periodu sa direktorima sektora, raspisan će biti tender za dio opreme koja je hitno neophodna. Prema informaciji koju je sindikat dobio, potrebno je 2 mjeseca od raspisivanja tendera da se oprema dobije.

AD 3. Blagajnički izvještaj za avgust 2018. godine je primljen k znanju.

AD 4. E.Čengić je izvjestio UO da je sindikat za organizaciju sindikalnog izleta potošio 1385,12KM i sa donacijom ukupan iznos je 3385,12KM. UO je jednoglasno usvojio Odluku o utrošku sredstava za održavanje sindikalnog izleta.

AD 5. Adriatic izvještaj za august 2018 je primljen k znanju.

AD 6. Komisija za dodjelu finansijske pomoći (G.Brkić, M.Grbo, N. Žuga) predložila je da novčanu pomoć za mjesec septembar dobiju sljedeći članovi; Rialda Očuz 500 KM (II dio). Ukupno: 500 KM. Poklon bonovi DM-a u iznosu od po 200KM: Mirza Pavlović i Zorica Vujmilović. Prijedlog komisije je jednoglasno usvojen.

AD 7. D.Smital je podsjetio sve članove UO sindikata da je za sljedeću sjednicu planirana tačka o napredovanju u BHRT-u i zatražio da podružnice pripreme prijedlog i po želji analizu napredovanja uposlenika u njihovim podružnicama kako bi obavili kvalitetnu raspravu. Također, izvršni sekretar će za sljedeću sjednicu pripremiti broj članova po podružnicama kako bi se mogla početi priprema izborne skupštine sindikata.

46.sjednica je završena u 13.35. sati

Izvršni sekretar
SAMOSTALNOG SINDIKATA
RADNIKA U BHRT-u
Elvis Čengić

Predsjednik
SAMOSTALNOG SINDIKATA
RADNIKA U BHRT-u
Damir Smital